

Hauptarchiv-Urk. 2204 Wiener Stadt- u. Landesarchiv

1422 XII 01, Wien

Pruder Sigmund Ragmûng (Ramung), lantcomenteur Deutschenherren ordens in Osterreich, und bruder Casparr Mürtzer, hauscomenteur Deutschherren ordens des Hauses zu Wienn, und die pruderschaft gemain daselbs verkaufen ihres rechten freien Eigens ein Haus, gelegen hinder sand Pangrêtzen, genant das Däuthshaus, um 65 lb dn. dem Wiener Bürger Hannsen dem Peestorfer und seiner Hausfrau Kathrein.

Quelle Regest: Quellen zur Geschichte der Stadt Wien, Bd. II/2, Nr. 2204

<https://www.monasterium.net/mom/AT-WStLA/HAUrk/2204/charter>

Transkription

Ich pruder Sygmund Ragmung (Ramung) lant Comentewr dewtschen herren Ordens in Osterreich und ich bruder Casparr Muertzêr hawsComenteur dewtschherren Ordens des hawses zu Wienn und wir die pruederschaft gemaynn daselbs vergehen fur uns und all unser nachkoemen und Tuen kund offenleich mit dem brieff allen laewten gegenbuertigen und kuenftigen das wir mit guetem willen mit wolbedachtem muet und mit veraintem Rat zu der zeit da wir es wol getuen mochten verchawfft haben unsers rechten freynn aygens unser haws gelegen hunder sand pangrêtzen genant das daewths haws Das vorgevant haws haben wir mit allen den eren nuetzen und Rechten als wir das unversprochenleich in aigens gewer ingehabt und herbracht haben und da mit es dann von alter herkoemen ist Recht und Redleich verkawfft und geben umb funff und Sechtzig phunt wiener phenning der wir gantz und gar verricht und gebert sein dem erbêrn Hannsen dem Pêestorffêr buerger zu Wienn und frawnn Kathrein seiner hawsfrawnn fuerbas ledichleich und freyleich zehaben und allen iren frumen damit ze schaffen mit verkawffen mit versetzen schaffen machen und geben wem Sew welln und alles damit hanndeln und tuen das In aler pesst fuegt und wollgevelt an unser unserr nachkomen und menichleichs von unsern wegen Irrung und hindernuezz ungeverleich und sein

auch wir obgenante Ich brueder Sygmund Ramung lant-Comentewr und ich brueder Casparr hawsComentewr mit sambt allen unsern Nachkomen des vorgeanten hawses mit seiner zuegehoerung des egenanten Hannsen Pêestorffer frawnn Kathrein seiner hawsfrawnn Recht gewern und scherm fuer alle ansprch als kauffs freys aygens und des lanndes ze Oesterreich Recht ist Ging In aber mit recht daran icht ab oder stuend In icht krieg oder ansprach daran auff von wem das wêr mit Recht was sy das schadenn nement das schullen und wellen wir In gentzleich ausrichten und widerkeren an alle widerrêd und schullen Sy das haben daz uns unsern nachkomen und dem vorgeanten unserm haws und auff allem unserm guet das zu demselbm unserm haws gehoeret nichts ausgenamen das wir haben in dem lannde ze Oesterreich oder wo wir es haben Und das der kauff fuerbas also stêt und untzebrochen beleyb, des zu ainem waren Offenn Urkund geben wir fuer uns und all unser nachkomen, dem Obgeanten Hansen Pêestorffer frawnn Kathrein seiner hawsfrawnn den brieff, besiglt mit mein obgenants brueder Sygmundts des Ramung lanntComentewr anhangundem ambt Insigl und mit des obgeanten dawteschen hawses anhangunden Insigl Geben ze Wyenn an Erichtag nach sand Andres tag Nach Kristi gepuerd viertzehenhundert und In dem zway und zwayntzigisten Jare.

1)
Ich pruder Sygmund Ragmung (Ramung) lant Comentewr
dewtschen herren Ordens in Osterreich und ich bruder Casparr
Muertzêr

2)
hawsComenteur dewtschherren Ordens des hawses ze Wienn
und wir die pruederschafft gemaynn daselbs vergehen

3)
fur uns und all unser nachkoemen und Tuen kund offenleich
mit dem brieff allen laewten gegenbuertigen und kuenftigen

4)
das wir mit guetem willen mit wolbedachtem muet und mit
veraintem Rat zu der zeit da wir es wol getuen moch-

5)
ten verchawfft haben unsers rechten freynn aygens unser haws
gelegen hunder sand pangrêtzen genant das daewths

6)
haws Das vorgeant haws haben wir mit allen den eren
nuetzen und Rechten als wir das unversprochenleich in aigens

7)
gewer ingehabt und herbracht haben und da mit es dann von
alter herkoemen ist Recht und Redleich verkawfft und

8)
geben umb funff und Sechtzig phunt wiener phenning der wir
gantz und gar verricht und gebert sein dem erbêrn Hannsen

9)
dem Pêestorffêr buerger zu Wienn und frawnn Kathrein seiner
hawsfrawnn fuerbas ledichleich und freyleich zehaben und

10)

allen iren frumen damit ze schaffen mit verkawffen mit versetzen schaffen machen und geben wem Sew welln und

11)

alles damit hanndeln und tuen das In aler pesst fuegt und wollgevelt an unser unserr nachkomen und menichleichs

12)

von unsern wegen Irrung und hindernuezz ungeverleich und sein auch wir obgenant Ich brueder Sygmund Ramung lant-

13)

Comentewr und ich brueder Casparr hawsComentewr mit sambt allen unsern Nachkomen des vorgeanten hawses

14)

mit seiner zuegehoerung des egenanten Hannsen Pêestorffer frawnn Kathrein seiner hawsfrawnn Recht gewern und scherm

15)

fuer alle ansprch als kauffs freys aygens und des lanndes ze Oesterreich Recht ist Ging In aber mit recht daran icht

16)

ab oder stuend In icht krieg oder ansprach daran auff von wem das wêr mit Recht was sy das schadenn nement das

17)

schullen und wellen wir In gentzleich ausrichten und widerkeren an alle widerrêd und schullen Sy das haben daz

18)

uns unsern nachkomen und dem vorgeanten unserm haws und auff allem unserm guet das zu demselbm unserm

19)

haws gehoeret nichts ausgenamen das wir haben in dem lannde ze Oesterreich oder wo wir es haben Und das der

20)

kauff fuerbas also stêt und untzebrochen beleyb, des zu ainem waren Offenn Urkund geben wir fuer uns und all

21)

unser nachkomen, dem Obgenanten Hansen Pêestorffer frawnn Kathrein seiner hawsfrawnn den brieff, besigt mit

22)

mein obgenants brueder Sygmundts des Ramung lannt-Comentewr anhangundem ambt Insigl und mit des obgenanten

23)

dawteschen hawses anhangunden Insigl Geben ze Wyenn an Erichtag nach sand Andres tag Nach Kristi gepuerd

24)

viertzehenhundert und In dem zway und zwayntzigisten Jare.